

Sarajevo, 16-01-2020

Broj: 02-03-27/19

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-2149 od 14.01.2020.godine, Generalna direktorica donosi:

ODLUKU

o izboru najpovoljnijeg ponuđača za nabavku
usluga podrške i održavanja postojećeg SAP ERP rješenja u KCUS-a

I

Prihvata se prijedlog Komisije za javnu nabavku, Izvještaj br. 03-06-2149 od 14.01.2020.godine, za „Pružanje usluga podrške i održavanja postojećeg SAP ERP rješenja u KCUS“ nakon provedenog otvorenog postupka javne nabavke sa međunarodnom objavom objavljenog na portalu e-nabavke pod br. 893-1-2-765-3-464/19 i okvirni sporazum dodjeljuje najpovoljnijem ponuđaču:

B4B d.o.o. Zagreb

Usluge podrške i održavanja postojećeg SAP ERP rješenja u KCUS

- Cijena norma sata (NS) : 112,50 KM bez PDV-a
- Okvirni sporazum se zaključuje na period od 12 mjeseci, prema potrebama ugovornog organa sukcesivno, u ukupnoj vrijednosti nabavke maksimalno 100.000,00 KM bez PDV-a.

Uslovi plaćanja: Odgođeno plaćanje u roku do 60 dana po ispostavljenom računu.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 3.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude, ukoliko isti nisu dostavljeni uz ponudu.

III

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

O B R A Z L O Ž E N J E

Na osnovu Odluke br.02-03-59819 od 21.11.2019.godine, pokrenut je otvoreni postupak javne nabavke sa međunarodnom objavom za „Pružanje usluga podrške i održavanja postojećeg SAP ERP rješenja u KCUS“ sa procijenjenom vrijednošću u iznosu od 100.000,00 KM bez PDV-a. Nabavka je planirana Planom javnih nabavki za 2019.godinu, pod klasifikacijom usluge, redni br.24 (Odluka o usvajanju Plana javnih nabavki Kliničkog centra Univerziteta u Sarajevu za 2019.godinu, broj:360/19, protokol br.02-01-18632/19.)

Uslovi plaćanja predviđeni za postupak nabavke su u roku do 60 dana po ispostavljenom računu (na osnovu dopisa Sektora za računovodstvo, plan i analizu br.11-02-57688/19).

Obzirom da je dokumentacija za postupak nabavke, objavljena na portalu e-Nabavke, istu je preuzelo 11 (jedanaest) ponuđača, a do krajnjeg roka određenog za prijem ponuda, 08.01.2020. godine do 10 h i 30 min, na Protokol KCUS-a dostavljene su 2 (dvije) ponude ponuđača: B4B – Zagreb sa cijenom norma

sata u iznosu od 112,50 KM bez PDV-a i Sapiens Solutions Beograd sa ponuđenom cijenom norma sata u iznosu od 110,01551 KM bez PDV-a.

Komisija imenovana Odlukom broj: 03-06-63260 od 06.12.2019.godine je izvršila uvid i provjeru svakog dostavljenog dokumenta i ustanovila sljedeće:

1. Ponuda ponuđača Sapiens Solutions d.o.o Beograd ocijenjena je "neprihvatljivom" jer nisu dostavljeni svi certifikati, koji su zahtjevani tenderskom dokumentacijom. Tenderskom dokumentacijom, tačka 3.1 Sadržaj i način pripreme ponude pod stavkom o) traženo je da ponuđač raspolaže dovoljnim kadrovskim kapacitetom uz adekvatne stručne kvalifikacije uposlenog osoblja koji će biti angažovani na predmetnim uslugama ugovornog organa - ukupno 5 (pet) vrsta certifikata i minimalno 7 certificiranih konsultanata.

Ponuđač Sapiens Solutions d.o.o Beograd nije dostavio :

Certifikat za jednog (1) certificiranog konsultanta za logistički modul (SAP MM/SD)

Certifikat za dva (2) certificirana konsultanta za razvoj programskih rješenja (SAP ABAP)

Ponuda ponuđača Sapiens Solutions d.o.o. iz navedenih razloga nije uzeta u dalje razmatranje.

2. Ponuda ponuđača B4B d.o.o Zagreb sadrži sve tražene elemente ponude i ispunjavaju formalno pravne i tehničke zahtjeve postavljene tenderskom dokumentacijom te je prihvatljiva i može biti predmet vrednovanja.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, **postupak se okončava u skladu sa članom 69. stav 1)a) ZJN.**

Obzirom da je zadovoljena transparentnost i da je cijena jedine prihvatljive ponude u okviru osiguranih sredstava za nabavku, Komisija je Izvještajem br. 03-06-2149 od 14.01.2020.godine dala prijedlog, da se donese odluka o izboru najpovoljnijeg ponuđača i okvirni sporazum za „Pružanje usluga podrške i održavanja postojećeg SAP ERP rješenja u KCUS dodijeli ponuđaču B4B d.o.o Zagreb.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA

Prof.dr. Sebiya Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS